

故三十一者修六神通故三十二者修習定
 慧故是名三十二事衆生修習疾得菩提說
 是法時七萬二千衆生發阿耨多羅三藐三
 菩提心萬二千菩薩得無生法忍一切諸天
 以諸華香種種伎樂供養於佛尊重讚歎作
 如是言若有得聞如是等經當知是人定得

阿耨多羅三藐三菩提爾時梵天釋天四天
 王天白佛言世尊如來今者演說如是無限
 量義了了之義壞煩惱義摧諸魔業破諸邪
 見能持一切無上正法我等亦能受持讀誦
 書寫解說若佛弟子有能受持讀誦書寫廣
 說之者我等亦當爲作衛護若有惡鬼欲爲
 是人作嫉害事我當遮止不令成就佛言善
 哉善哉善男子汝於爾時若能護我諸弟子
 者即是護持我之正法如是護者法則久住
 爾時世尊告阿難言阿難汝當受持擁護演
 說如是經典若有菩薩於無量劫樂修惠施
 復有菩薩受持是經讀誦書寫爲人廣說修

大慈悲兼以此義勸人令學其人所得福多
 於彼亦能速疾獲得大乘阿難白佛言世尊
 是經何名云何奉持佛言阿難是經名爲真
 實法義毗尼方便成就發心無量寶聚無量
 陀羅尼十力四無所畏不共法聚菩薩摩訶
 薩不退轉印廣說大乘寶女所問如是等名
 汝當奉持爾時阿難及諸人天聞經歡喜信
 受奉行

大方等大集經卷第六

位六

二十末

大方等大集經卷第七

位七列在仲刊

不眴菩薩品第三

北凉天竺三藏曇無讖於姑臧譯

爾時世尊故在欲色二界中間大寶坊中與
 諸大衆圍遶說法爾時衆中有金色光其光
 明淨遍照三千大千世界悉蔽一切日月四

乙

天釋梵光明照已即滅一切大衆瞻觀如來
目未曾眴當尔之時寂然無聲亦無聲效出
入氣息尔時大德須菩提白佛言世尊今何
因緣有是光明一切大衆瞻觀如來目未曾
眴尔時佛告須菩提言東方過於無量世界
彼有菩薩名曰不眴與萬菩薩俱共發來欲

聽如來微妙方等大集經典是其光明所言
未訖不眴菩薩已至佛所大寶坊中賫持種
種香華伎樂供養於佛頭面禮足恭敬右遶
却坐一面寶蓮華上尔時須菩提復白佛言
世尊不眴菩薩所來世界去此遠近國土何
名佛号何等佛言須菩提東方去此七萬二

千恒河沙等諸佛世界土名不眴佛号普賢
如來應正遍知明行足善逝世間解無上士
調御丈夫天人師佛世尊不眴菩薩從彼而來
尔時不眴菩薩摩訶薩長跪合掌說偈讚佛
如來世尊衆寶聚 具足一切波羅蜜
無上法師天中天 爲衆生故我敬禮

寂靜戒定不可動 無上智慧調諸根
爲諸衆生說大集 故我歸依師子王
樂施天人諸安樂 衆生喜見如蒲月
具足力勢破魔衆 我今歸依大藥樹
成就善根施甘露 能度衆生生死海
我今歸依無上尊 具足妙相三十二

世尊莊嚴此大衆 猶如須彌顯四域
名稱無礙遍十方 人中象王我敬禮
如來智慧如虚空 通達三世無障礙
隨衆生根而說法 我今敬禮自在王
過無量劫勤精進 超勝同業諸菩薩
所得佛法如先佛 我今敬禮一切覺

十方諸佛悉讚歎 精進殊勝無邊量
無量衆生得聞已 悉皆同發菩提心
於正法中無厭足 兼以勸化諸衆生
能說清淨法之性 我今稽首大法王
尔時不眴菩薩偈讚佛已白佛言世尊我等
於此大集經中欲少發問唯願如來垂哀聽
位大集七

許佛言善哉善哉善男子隨意發問吾當為汝分別宣說除却汝等疑網之心不瞞菩薩既蒙聽許心大歡喜白佛言世尊菩薩摩訶薩修何三昧速得成就阿耨多羅三藐三菩提得大念心大智大意慚愧勇健修施教戒被忍辱鎧建精進幢遊戲神通莊嚴慈悲深

樂法喜登涉捨山能說能答摧伏魔怨壞諸邪見不離諸佛菩薩善友常得化身不失念心深信大乘樂施眾生無上智光不為世法之所染汙同於四大如地利益一切眾生如水能洗一切垢穢如火能熟眾生善根如風能於戒聞慧等無所障礙修習慈悲猶如虛空慧眼無量猶如帝釋心得自在如自在天正法化世如轉輪王聚大福德如須彌山於善無厭聚眾珍寶猶如大海思惟十二因緣深義亦復如是無所畏懼如師子王具善法財猶如寶主一切依止如大醫王能作光明猶如庭燎破闇如日清涼如月煩惱不汙猶

如蓮華具足一切諸佛妙法猶如蒲月佛言善哉善哉善男子能以此義諮啟如來至心諦聽吾當為汝分別解說善男子有三昧名一切法自在菩薩修習是三昧者則能獲得如是等事亦得無量無邊福德疾成阿耨多羅三藐三菩提成佛之時世界所有一切具

位 大集七

三

足善男子一切法自在三昧者所謂信佛法僧苦集滅道陰入界等空無相願出生滅沒十二因緣內外因果業及果報信於開塞觀一切法如幻如化如焰如響如水中月龜毛兔角空中之華石女之子如著影衣夢乘白象若有若無及以有無非有非無非常非斷非生非滅非內非外非見非斷信如是等則能信佛菩薩大事而不自輕菩薩事業雖復廣大我亦能知心得自在能大惠施護持禁戒不妨外事憐愍眾生常修忍辱為不退故勤行精進為令眾生離煩惱故修習智慧為壞一切分別想故修習三昧得妙音聲一切

樂聞修於念佛觀諸如來平等無二修於念
法觀一切法同一性相修於念僧觀一切僧
無有退轉修於念捨捨諸煩惱修於念戒常
念佛戒修於念天念後邊身淨身口意不隨
他人戒定智慧清淨施已能得具足三十二
相施種種物具足成就八十種好為欲莊嚴
出世智慧具四念處為欲遠離一切煩惱故
具四正勤為令其心得自在故具四如意為
欲壞破諸魔怨故修習信根為不顛倒一切
法故修精進根勸令憶念諸罪過故修習念
根為諸衆生心清淨故修習定根為於一切
諸法頂故修習慧根為無壞故修習五力為
真實知一切法故修七覺分為真實知道非
道故修八正道樂於寂靜少欲知足遠離惡
友雖復通達一切事業終不於中生獨師想
於諸煩惱心不貪著不瞋衆生不疑諸見於
我我所心不生著常修欲度衆生之心於師
和尚父母善友生念恩心常思報答往昔之

思見毀禁者不生譏刺捨棄重擔真觀陰故
不競不諍護法持戒攝取持戒及護法者聽
法念法供養於法於正法中心無疑網凡所
演說不為飲食至心演說說時不輕亦不自
高為出善牙所聞不失瞻病所須供給走使
供養法師不說其短不觀種姓戒與非戒常
位 大集七 四

樂聞法至心不忘不失時節常請法師敷揚
道化有所講說不生憍慢聞已解義亦不自
大不觀他人所有過失所可聽法為知足故
為不斷絕三寶種故為得無礙宿命智故為
得真實見法性故為發無上菩提心故為獲
如來真實法故為得上族好種姓故為見佛
法比丘僧故為得堅固不退心故為行聖行
入聖數故為得無盡大財寶故為得無邊大
功德故為得清淨梵音聲故為得具足佛功
德故為得具足菩薩法故為欲受持讀誦書
寫菩薩法藏及摩夷故為欲受持如是等法
廣宣說故善男子菩薩摩訶薩獲得一切法

自在三昧者於一切事無能究者尔時世尊

即說頌曰

其心敬信佛法僧

亦復明信四真諦

若有智慧無罣礙

是名諸法自在定

能知於苦第一諦

亦能遠離於集因

證護第三真滅諦

修習無上聖道諦

具足成就大念心

真實觀陰如虛空

其身威儀大寂靜

是名諸法自在定

能觀六入性相空

亦能調柔於諸根

能壞衆生疑網心

是名諸法自在定

能修習空無相願

破壞一切諸憍慢

所行諸行無黑闇

是名諸法自在定

位 大集七

遠離斷見及我見

令身口意業寂靜

其心不著有無法

是名諸法自在定

所說正義無顛倒

調伏一切衆生心

既說法已無憍慢

是名諸法自在定

修習一切諸善根

不為煩惱之所汙

其心無熱亦無濁

是名諸法自在定

不為他喜求菩提

亦不虛誑修善法

十方諸佛觀其心

是名諸法自在定

常樂惠施護持戒

憐愍心故忍諸惡

精進修定及智慧

是名諸法自在定

為諸衆生修慈心

亦無分別怨親想

樂施衆生無上樂

是名諸法自在定

調伏衆生於菩提

修捨離欲得安樂

常樂修習五神通

是名諸法自在定

所說正法衆樂聞

其義難盡如大海

真實了知於法性

是名諸法自在定

觀察佛身如諸法

佛性法性無差別

護法定心無退轉

是名諸法自在定

身口意業得寂靜

具足戒定心無為

遠離一切煩惱習

是名諸法自在定

能證無上真解脫

亦能獲得實知見

修習定慧無有邊

是名諸法自在定

不淨之物不以施

不受一切不淨戒

三十二相具足成

是名諸法自在定

修行種種諸惠施
於佛法中得自在
修習具足四念處
為調眾生修如意
為入佛法修信根
為知諸法修七覺

是故獲得八十好
是名諸法自在定
正勤能壞諸煩惱
是名諸法自在定
為壞魔眾修五力
是名諸法自在定

修八正道破邪徑
心無憍慢一師想
若得修習自在定
親近諸佛菩薩等
為在無上聖人數
不為飲食演說法

施於眾生無上樂
是名諸法自在定
是人則能離煩惱
樂修少欲知足行
以眾生故修大悲
是名諸法自在定

為法不惜於身命
常樂修行二種施
常勸眾生令聽法
不為勝他護持戒
無量世中所聞法
無上法師大名稱

護持正法不恪財
是名諸法自在定
如其未解心不輕
是名諸法自在定
至心受持為他說
不觀時節戒非戒

演說不休亦不息
所說諸法如幻相
所言真實甘樂聞
其心無貪無妬嫉
有問無瞋無輕慢
能自淨除諸過失

不失時節隨意說
是名諸法自在定
聞已如說而安住
是名諸法自在定
常修憐愍無二相
是名諸法自在定

具足七種無上財
具足十力四無畏
常樂聞法善思惟
如法住已為眾說
不忘菩提上種性
勸化大眾具菩提

成就壽命無上命
是名諸法自在定
善思惟已如法住
是名諸法自在定
供養三寶得化身
是名諸法自在定

其目清淨見諸佛
其音遍滿十方界
財寶惠施無有盡
供養父母師和尚
成就具足宿命智
六波羅蜜無厭足

得梵音聲無有邊
是名諸法自在定
智慧演說無窮竭
是名諸法自在定
不失無上菩提心
是名諸法自在定

為欲利益衆生故 受菩薩藏及摩夷
 樂為衆生廣分別 是名諸法自在定
 遠離一切惡思惟 了了觀見十方界
 一心能知無量心 是名諸法自在定
 一心了知三世事 修習無量諸神通
 得後邊身智無礙 是名諸法自在定

憐愍衆生修大悲 觀察諸根隨意說
 一切佛法得自在 是名諸法自在定
 若有得聞如是事 至心受持生信順
 即能獲得無上道 亦如往世諸世尊
 尔時不响菩薩白佛言世尊菩薩摩訶薩成
 就何法獲得如是一切諸法自在三昧佛言

善男子菩薩摩訶薩具足一法則能獲得如
 是三昧所謂不著一切諸法復有一法不著
 於戒何以故若不著戒則能不著一切善法
 具足戒故則能成就一切佛法得大利益無
 上大道是故我言戒是一切善法根本戒名
 大燈若著戒者是人則於菩提障礙非菩提

道若於諸法生貪著者去菩提道則為大遠
 若不貪著則為鄰近復有二法菩薩具足則
 能獲得如是三昧一者為於菩提方便修習
 舍摩他二者為於善法方便修習毗婆舍那
 復有三法菩薩具足得是三昧何等為三一
 者不捨衆生修空三昧二者不捨於法修無

相三昧三者求於諸有修無願三昧尔時世
 尊即說頌曰

調伏衆生修習空 護持法故修無相
 不捨諸有修無願 是人則得是三昧

復次善男子復有四法菩薩具足則能獲得
 如是三昧何等為四一者具足四諦方便二

者具足四無量心三者具足四無礙智四者
 具足四攝之法復有五法菩薩具足得是三
 昧何等為五一者具足五神通二者具足五
 根三者具足五力四者具足真智觀於五陰
 五者具足五眼復有六法菩薩具足得是三
 昧何等為六一者具足六波羅蜜二者具足

位大集七

八

六念三者具足智慧觀於六入四者具足遠離六道五者具足六通六者具足六和敬法復有七法菩薩具足得是三昧何等爲七一者無貪遠離煩惱二者於衆生所無有瞋恚三者於諸法中無有疑心四者具無礙智無有五蓋五者觀十二因緣無有疑網六者成就無上智慧七者成就無上三昧復有八法菩薩具足得是三昧何等爲八一者修習八正道分二者離八邪道三者遠離八難四者具足八大人覺五者具八解脫六者具八勝處七者專念菩提八者斷煩惱習復有九法菩薩具足得是三昧何等爲九一者不失念

具足三世平等智慧五者具足衆生心平等智六者具知諸根上中下智七者具足四無礙智八者具足三解脫門九者具足諸法同一味智十者具足諸法無生滅諍說是法時三萬二千菩薩摩訶薩得是三昧位 大集七爾時須菩提語不眴菩薩言是大衆中三萬二千諸菩薩等皆悉獲得如是三昧善男子汝今得耶不眴菩薩言大德乃至無有一法可得名爲三昧我云何得凡言得者即是顛倒夫顛倒者即我我所菩薩若著我我所者則不能得如是三昧須菩提言菩薩摩訶薩住於何處得是三昧不眴菩薩言如須菩提所住之法得解脫者我如是住得是三昧須菩提言我實不住一切法中而得解脫大德菩薩摩訶薩亦復如是不住諸法得是三昧須菩提言善男子菩薩摩訶薩將不住於空無相無願得三昧耶不眴菩薩言空無相願可得住耶不也善男子大德是故空無相願所住之處

得是三昧善男子如是三昧住在何處不眴
 菩薩言如一切法真實性住住是三昧者亦
 如是住一切諸法真實性者名聖解脫聖解
 脫者名無所住無住之住住一切法一切諸
 法不住煩惱不住解脫大德得解脫者為具
 煩惱不具煩惱善男子我亦不具非不具也

大德若仁不具非不具者為何所得言解脫
 也須善提言善男子若使法界有繫縛者我
 則解脫而法界性無縛解相非相非如相非
 種種相非一相非多相如法界相解脫亦亦
 時須善提說是法時八比丘得阿羅漢果
 須善提語不眴菩薩言善男子如佛所說若

能具足如是等法得是三昧汝今具足是三
 昧不不眴菩薩言大德一切諸法無有根住
 若法無根即是無處夫無住者名為無作若
 無作者云何可住須善提言若無住者何故
 如來常作是言住如是法得無生忍不眴菩
 薩言大德無所住者亦名為住是故如來亦

說住貪而得解脫而智慧性不能壞貪作於
 解脫若有菩薩能知如是不住之住是名無
 生智慧住是無生智慧中已則能獲得無生
 法忍復次大德若有菩薩不離九夫能知聖
 法以凡夫心觀察聖法以聖法性觀察於忍
 忍性觀忍復以是忍觀一切法知如是等名
 位 大集七

無生忍復次大德若有菩薩觀二種界一眾
 生界二者法界以法界性觀眾生性以眾生
 性觀法界性若離法界無眾生界法界眾生
 界無生無滅若能如是通達知者名無生智
 無生智者即無生忍復次大德菩薩摩訶薩
 知從十二因緣生法從六境界作六因緣若

善不善是善不善即無生滅何以故境界之
 性不能生法六入亦不能生法何以故無
 生性故如其六入能生法者則應常生不須
 外緣若外境界性能生者亦應常生不假於
 內若俱生者則有二相二相之法性無真實
 通達了知如是等者名無生忍若得如是真

智慧者是名菩薩得無生忍復次大德若有菩薩具足成就二種莊嚴功德智慧觀是二事平等無二雖如是知不言我知亦於此知不生貪著者是名無生忍復次大德菩薩摩訶薩身意寂靜觀法寂靜法寂靜已觀菩提寂靜菩提寂靜已觀忍寂靜亦不隨他不著內

外是名菩薩無生法忍說是法時不眴菩薩等五百菩薩得無生法忍尔時世尊讚不眴菩薩言善哉善哉善男子汝所演說無生法忍即是真實如先佛說復次善男子菩薩若得心自在者即得諸法自在三昧云何名為心自在耶善男子若有菩薩遠離貪愛得帝位 大集七 十一

釋身或轉輪王身雖為無量諸眾生等說五欲樂而其內心實不貪著是名菩薩心得自在復次善男子若有菩薩修習三昧四無量心求諸有時不以有心以智慧心雖生欲界不因欲心其心常不遠離三寶修習莊嚴諸波羅蜜以四攝法攝取眾生調伏眾生修三

十七助道之法是名菩薩心得自在復次善男子若有菩薩修空無相願自不證於空無相願亦為眾生說如是法為調聲聞辟支佛等入於無生正定之聚而為說法彼既聞已即得解脫自不證之亦令眾生不捨菩提是名菩薩心得自在復次善男子若有菩薩為

調聲聞辟支佛故入無生滅正定之聚亦得滅定又能通達一切三昧出入相行雖得如是通達自在亦不證於滅盡三昧何以故未具佛法故是名菩薩心得自在復次善男子若有菩薩以平等智觀於法界種種世間種種眾生種種說法種種方便是名菩薩心得自在復次善男子若有菩薩生長壽夭未盡天壽其身亦生短命之中為欲調伏諸眾生故是名菩薩心得自在復次善男子若有菩薩具足快樂捨是樂已為諸眾生受大苦惱護眾生故護菩提故是名菩薩心得自在復次善男子若有菩薩同於聲聞辟支佛行而

心護念菩提之道亦修菩提微妙之行爲諸
 聲聞緣覺之人隨意說法而亦不證是名菩
 薩心得自在復次善男子若有菩薩善解八
 萬四千法門亦復通達煩惱行處爲斷衆生
 諸煩惱故處中說法亦不爲諸煩惱所汙是
 名菩薩心得自在復次善男子若有菩薩具

足神通若有衆生盲聾跛躄菩薩摩訶薩自
 變其身亦同其像而爲說法是名菩薩心得
 自在復次善男子若有菩薩具足智慧通達
 外典善解邪論而其內心不爲邪見爲欲調
 伏諸衆生故修習其道是名菩薩心得自在
 善男子菩薩具足如是等事名心自在亦名
 位大集七

得一切法自在三昧須菩提言世尊不昉菩
 薩得是三昧爲久近耶佛言過去無量阿僧
 祇劫尔時有佛号自在王如來應正遍知明
 行足善逝世間解無上士調御丈夫天人師
 佛世尊世界名淨劫亦名淨其佛國土地平
 如掌金銀琉璃玻瓈莊嚴常有幡蓋如兜率

天多饒飲食尔時衆生所有貪欲瞋恚愚癡
 無有勢力多有利智能解佛語一切志樂無
 上大衆尔時世尊與八萬四千大菩薩衆三
 萬二千聲聞大衆尔時世尊轉輪聖王名曰
 廣持号曰法王成就七寶輪寶象寶馬寶女
 寶珠寶寶兵寶主藏之臣千子具足王四天下

治以正法不加刀杖憐愍衆生教以十善一
 切衆生亦樂受之尔時千子悉發阿耨多羅
 三藐三菩提心尔時聖王供養如來菩薩聲
 聞一切大衆衣服飲食卧具湯藥房舍資生
 經萬歲已發阿耨多羅三藐三菩提心爲無
 上道修三十七助道之法尔時彼佛壽命滿

足八萬四千歲王有一子名曰法語於彼佛法信
 心出家勤行精進清淨持戒爲得無上菩提
 道故尔時法語比丘二萬年中無有睡眠如彈
 指頃不生貪心瞋心癡心不善覺觀不念父
 母宗親眷屬飲食衣服房舍卧具資生之物
 亦不覺知晝夜之相二萬年中常修念佛須

位大集七

十三

菩提法語比丘勤精進故獲得四禪四無量心四無色定過二萬年已往詣佛所頭面禮敬右遶三匝却住一面向佛言世尊我發阿耨多羅三藐三菩提心為施一切眾生安樂為欲調伏一切眾生唯願世尊哀愍示導云何令我化諸眾生宣說正法佛言比丘有八

陀羅尼門若成就者得無礙語則能為諸眾生說法何等為八一者念佛知法身故二者念法知淨法故三者念僧知無礙故四者真實思惟破惡覺觀故五者知字不可說故六者修舍摩他為知諸法同一味故七者修毗婆舍那為知諸法本性淨故八者修方便智

為得忍故比丘具如是八陀羅尼門則能堪任宣說正法化諸眾生比丘復有八精進菩薩具者能宣說法化諸眾生一者求法勤行精進二者持法勤行精進三者觀法勤行精進四者說法勤行精進五者護法勤行精進六者供養法師勤行精進七者護受法者勤

行精進八者如法而住勤行精進是名為八復有八法菩薩具足能化眾生何等為八一者修慈等觀眾生故二者修悲調伏眾生故三者觀法得無上法故四者觀智破憍慢故五者護諸眾生施安樂故六者善思惟壞諸煩惱故七者修助道法莊嚴菩提故八者護

法具足六度故須菩提菩薩摩訶薩若能具足如是等法則能教化一切眾生今時比丘聞是法已於十千年繫心思惟勤行精進為得是法以精進故即得無盡器陀羅尼善解一切眾生語言隨語為說得是持已復有無盡辯才成就如是陀羅尼已周遍城國村邑

聚落化無量眾於三乘道為其父母兄弟眷屬宗族說法悉令獲得隨順法忍須菩提今時比丘復往佛所頭面敬禮右遶三匝却住一面向佛言世尊如佛先說我已證得佛神力故得聖智慧世尊頗有三昧菩薩修已心不退轉增長善法不佛言比丘有三昧名一

位 大集七

十四

切法自在菩薩修已其心不退亦得增長無量善法尔時比丘聞三昧名即白佛言世尊菩薩云何行云何修云何學而能獲得如是三昧比丘有八法八莊嚴八發心菩薩見已得是三昧何等為八一者淨心二者至心三者施心四者離煩惱心五者觀六界六者修忍七者勤精進八者修定身心寂靜是名八法八莊嚴者一者捨二者戒三者功德四者智五者舍摩他六者毗婆舍那七者發菩提心八者莊嚴一切佛法是名八莊嚴八發心者一者發心無有衆生壽命士夫一切諸法亦復如是二者發心一切諸法無常苦無我三者發心一切諸法空無相願四者發心未來之法無有任處五者發心現在之法無有任處六者發心一切諸法無業果報七者發心一切諸法無有作者無有受者八者發心一切諸法無有繫屬菩薩具足如是等法得是三昧比丘聞已進修不久即得如是一切

法自在三昧得三昧已即放光明遍照三千大千世界尔時比丘即往佛所頭面作禮右遶三匝上昇虛空一多羅樹結加趺坐滿一千年不動不搖法喜為食獲得此智樂說無礙令三萬六千億衆生得不退心無量衆生安住三乘尔時法語比丘過千年已從座而起位 大集七 十五作如是言如來世尊勤精進故得阿耨多羅三藐三菩提非懈怠也善男子汝於無量無邊世中成就無量無邊功德故能速得如是神通善男子汝已於往七萬六千億佛所種諸善根淨修梵行是故因此過去善根獲得如是現在善果佛告須菩提汝知尔時法語比丘得三昧者豈異人乎即是今之不眴菩薩成就如是無量功德尔時世尊為須菩提說是菩薩往因緣時三萬二千衆生發阿耨多羅三藐三菩提心虛空之中諸天龍神乾闥婆等雨諸華香以用供養不眴菩薩而作是言我等今日見此菩薩得大利益尔時

須善提語不眇菩薩言善男子汝已久修清淨梵行不眇菩薩言大德夫梵行者非是過去未來現在若非過去未來現在即是無作若無作者即名為行如是行者名為無生名為無諍無有言說及以威儀大德非眼行故名為梵行非耳鼻舌身意行故名為梵行非色聲香味觸法行故名為梵行亦非色受想行識行故名為梵行非相非緣非見非聞非知非覺大德如是等法無去來住無牽無挽無有數量無上無下是名梵行須善提言善男子夫梵行者名八正道不眇菩薩言大德云何八正道名為梵行若以正見為梵行者不見諸法名為正見等見諸法名為正見不見之見乃名正見若不見者云何得名為正見耶若無正見云何得名為梵行乎無有思惟名正思惟夫思惟者名為顛倒若顛倒者云何得言正思惟耶一切音聲皆悉平等若善若惡若一若二若過去若未來若一切字

若一切聲是名為響若是響者云何得言為正語耶聲平等者一切行法皆悉無常是苦無我涅槃寂靜若能等觀一切諸法如涅槃相及演說者是名正語無身無身業無口無口業無意無意業何以故無業處故若有業處則有我我所若無我我所則無業果若如

位 大集七

十六

是觀名為正業若為壽命行於邪命遠離邪命故名正命若觀是等無我我所無有衆生壽命士夫如其無者何故得名為正命耶於眼識色不生染著眼識性空以識性空故眼色亦空若眼色識空至意識法亦復如是若如是觀是名正命無有顛倒斷諸精進名正精進無精進法無精進者無有具足成就精進無有精進為利益者若能觀察如是等法是名正精進若能等念一切諸法平等如空一切諸法亦復如是如一切法陰入界等亦復如是若能觀於如是等法是名正念觀一切法皆悉平等無我我所若能如是平等觀

者是名正定大德若能如是觀一切法性平等者名八正道是名梵行非以數故名八正道非八正道名為梵行非世道故名為梵行非著心故名為梵行非二相故名為梵行非作相故名為梵行若見諸法無有住處乃名梵行尔時不眴菩薩為諸大眾說如是等梵行法時五百比丘離諸煩惱得阿羅漢果須菩提言善哉善哉善男子快說是法如離煩惱阿羅漢人之所宣說等無有異大德我今亦是遠離煩惱亦是阿羅漢我亦遠離聲聞緣覺煩惱諸法我如法住故名阿羅漢尔時須菩提白佛言世尊是不眴菩薩樂說無礙

位 大集一

十七

尼優婆塞優婆夷受持是經讀誦書寫為人解說及聞法者悉發阿耨多羅三藐三菩提心當知是輩一切皆當如不眴菩薩作師子吼世尊我當擁護如是等人佛言善哉善哉憍尸迦汝今至心護持正法尔時梵王復白佛言世尊我常樂修捨定三昧捨禪定樂來護佛法及說法者令離痛苦隨何國土有說法處我當往彼至心聽受若有國土信受此經供養三寶我亦當為除滅惡相令其土境清淨安帖正法治化佛言善哉善哉梵王汝真護法若有人能如是護法當知是人終不遠離三寶之寶尔時四大王復白佛言世尊我亦能護受持讀誦書寫解說如是法者佛言善哉善哉善男子若知法者是人乃能擁護是法汝於我所得聞法已即獲法眼斷諸惡道若復至心護持正法不久當斷一切諸有尔時世尊告阿難言汝當受持如是經典為四部眾廣說其義阿難白佛言世尊我能

受持如是經典如佛所說等無有異廣為四
眾宣釋分別尔時人天阿脩羅閻婆一切
大眾聞經歡喜讚歎善哉

十八末

大方等大集經卷第七

位七

大方等大集經卷第八

讓一

北凉天竺三歲曇無讖於姑咸譯

海慧菩薩品第四之一

尔時世尊故在欲色二界中間大寶坊中與
諸大眾圍遶說法是時三千大千世界大水
盈滿猶如大海又如劫盡水灾起時然諸世
界國邑村落城郭舍宅山林樹木上至色界
無所燒害悉皆如故而諸大眾皆見是水尔
時水中出生無量分陀利華青琉璃莖真金
為葉功德寶臺帝釋寶鬘周帀多有無量之
華縱廣十里在寶坊中高一一多羅樹尔時大
眾各各自見在此華上其華尔時出大光明

遍照十方無量世界尔時大眾心生歡喜我
等今者必當得聞殊勝妙法尔時弥勒菩薩
即從座起前禮佛足右遶三帀於蓮華上長
跪合掌白佛言世尊何因緣故如是三千大
千世界滿中大水猶如大海又如劫盡水灾
起時復出無量分陀利華大光如是遍照十

方無量世界佛言弥勒下方過於三千大千
世界微塵等國有一世界名寶莊嚴其土有
佛號海智神通如來應供正遍知明行足善
逝世間解無上士調御丈夫天人師佛世尊
彼有菩薩名曰海慧欲來至此大寶坊中與
無數菩薩俱共已斷一切數想欲來聽是大集
經典時舍利弗白佛言世尊彼佛世界去此
甚遠海慧在彼頗得聞此佛所說不佛言舍
利弗如汝今於我前所聞彼亦如是如汝今
日及諸大眾親見於我海慧菩薩見我亦尔
世尊菩薩摩訶薩所有神通不可思議住於
極遠無量世界而有如是無礙天眼無障耳